



Ս. ԳԵՂԱՐԴԱ ՎԱՆՔՈՒՄ ՏԱՐՈՆԱԿԱՆ ԱՂԲՅՈՒՐ—ՀՈՒՇԱՐՁԱՆԻ ԲԱՑՈՒՄԸ

1985 թ. սեպտեմբեր և հոկտեմբեր ամիսներին հայ ժողովուրդը մեծ ցնծությամբ և ոգևորությամբ տոնեց իր սիրելի Հայրապետի գահակալության բեղուն և արդյունավետ 30-ամյակը, արժանին մատուցելով՝ մեծարեց Մեծ և Շինարար տիտղոսներով: Այդ անցնող երեք տասնամյակների ընթացքում հսկա վերելք ապրեց Հայ Եկեղեցին իր հոգևոր, կազմակերպչական, մշակութային, առավել ևս կառուցողական կյանքով: Եվ ահա շինարարական նոր պտուղը՝ բացման և օրհնության հանդիսություններին պատրաստ է Ս. Գեղարդա վանքում կառուցված աղբյուր-հուշարձանը՝ նվիրված Տարոն աշխարհին և նրա հաղթական ոգուն՝ հրամանավ Ամենայն Հայոց կաթողիկոս Վազգեն Ա-ի, արդյամբ և ծախյուք տարոնցի, այժմ Փարիզում բնակվող Մարտիկ Տակառյանի, և արդյունքը Հանրապետության նշանավոր ճարտարապետ Բաղդասար Արզումանյանի ստեղծագործ մտքի:

Առաջին անգամ տեսնողը կկարծի, թե այս հուշարձանը մի ամբողջական ժայռաբեկոր է, որը բնական տարերքի հետևանքով պղկվել է վանքը շրջապատող բարձրագագաթ ժայռերից և ընկել այդտեղ ու հայ հանճարի և արարող ձեռքի շնորհիվ մշակվել, դարձել Տարոնի հերոսական ոգու քարեղեն վկան: Իր նմանը չունեցող այս աղբյուր-հուշարձանը հատակագծում քառակուսի է՝ 2մ×2մ: Հյուսիսային և հարավային կողմերից ունի

սեղանաձև և կամարակապ խորշեր, ուր տեղադրված են նրբաձաշակ և քանդակավարող ցայտաղբյուրներ: Հարավային կողմի խորշում քանդակված արև խորհրդանշող վարդակի տակ պետեղված է աղբյուր-հուշարձանի շինարարական արձանագրությունը՝ հետևյալ բովանդակությամբ.

Ի Հայրապետության Տ. Տ. Վազգեն Ա
Կաթողիկոսի կառուցաւ
Աղբիւր-Յուշարձանս,
Ի Յաւերժացումն Տարօնական Ոգոյ,
Արդեամբ փարիզահայ
Մարտիկ Օհան Տակառեանի
Ի Խաագիւղ գեղջէ Տարօնոյ:
:ՌՆԼԴ:

Արևմտյան կողմից հոսող աղբյուրի վերին կամարի տակ տեղադրված է Տարոնը և նրա հաղթական ոգին խորհրդանշող Արծվի բարձրաքանդակը: Բարձրաքանդակ Արծվի և թափվող աղբյուրի միջև պետեղված է «Ուխտ Մամիկոնեից» պատգամը՝ ուղղված գալիք հայ սերունդներին.

Քաջութեամբ մեռցուք
Ի վերայ Աշխարհիս մեր
Եւ ի վերայ Ազգիս մեր,
Եւ մի տեսցեն աչք մեր,
Կոխան ոտից պղծալից
Լեալ զսրբարանս մեր:



Այս հուշադրյուրի շինարարությունը տեղեկ և կես տարի և կառուցված է հայկական ազնիվ ու ընտիր բազալտե որձաքարից: Աղբյուր-հուշարձանը իր կառուցվածքային ծավալով, տեղի և դիրքի ընտրությամբ ներդաշնակված է վանքի հնագույն պարսպին և Գեղարդի գեղատեսիլ կիրճին: Կառուցողական իր բարձր հորինվածքից բացի, ուշագրավ է և եզակի այս կոթողադրյուրը այն առումով, որ գտնվում է Մայր Աթոռի և Վաղարշապատի սահմաններից դուրս՝ Գեղարդա վանքում, Հայաստանի հանրահռչակ ուխտավայրերից մեկում, ուր ամեն շաբաթ, կիրակի և տոն օրերին, Մայր հայրենիքի բազմաթիվ ջրջաններից ուխտի են գալիս բազմաթիվ հայ հավատացյալներ:

Հուլիս էր աղբյուրի բացման և օրհնության օրը՝ մայիսի 17-ը, հուլիս ոչ միայն մեկենասի, գծագրող ճարտարապետի, կառուցող վարպետի, մեզ՝ Գեղարդա վանքի քահանաներին, այլև բոլոր ներկա գտնվողների և հյուրերի համար: Կարելի է ասել, որ Գեղարդա վանք ուխտի եկող հավատացյալներն ու այցելուները նույնպես հետևել են այս աղբյուր-հուշարձանի կառուցման ընթացքին և սրտի թռիչքով ու հուզումներով սպասել այս նվիրական օրվան:

Այդ ուրախ առիթով վանք էին ժամանել բարերար պրն. Մարտիկ Տակառյանը, տարբեր երկրներից սփյուռքահայ ուխտավորներ և հայրենի մտավորականներ: Հանդիսավոր այս առիթով Մայր Աթոռից Ս. Գեղարդա վանք էին ժամանել Մայր տաճարի լուսարարապետ Ս. Հուսիկ արքեպ. Սանթրոյանը, Փարիսի հայոց առաջնորդ Ս. Գյուլտ եպս. Նազազյանը, Մայր Աթոռի դիվանապետ Ս. Ներսես եպս. Պոլապալյանը, Ս. Հայկապուն վրդ. Նաջարյանը, մի խումբ սարկավազներ և հոգևոր ճեմարանի ուսանողներ:

Ցերեկվա ժամը 12-ին, նախագահությամբ դիվանապետ սրբապանի, թափորը «Հրաջափառով», վանգերի քաղցրահնչյուն դողանքների ներքո, խուռներամ ուխտավորների ուղեկցությամբ առաջնորդվեց տաճար: Սուրբ խորանի առջև աղոթք-երկրպագությունից հետո, թափորը նույն հանդիսավորությամբ իջավ բակ, ուր և կառուցված է աղբյուր-հուշարձանը:

Նախագահող սրբապանի հանդիսավոր «Հայր մեր»-ից հետո, հոգևոր դասի կողմից երգվեց «Աղբյուր կենաց» շարականը: Եսայի մարգարեի և Ս. Ավետարանի հավուր պատշաճի ընթերցումներից հետո լավեց «Օրհնեսցի և սրբեսցի»-ն: «Ս. Խաչիւս» քարոզից առաջ նախագահող սրբապան հայրը հրավիրեց Գեղարդա վանքի վանահայր արժ. Ս.

Եղիշե ավագ քին. Սարգսյանին՝ ասելու իր խոսքը այս առիթով:

«Ի Հայրապետության Ս. Ս. Վազգեն Ա Կաթողիկոսի կառուցաւ Աղբյուր-Յուշարձանս ի յաւերժացումն Տարօնական ոգւոյ, արդեամբ փարիզահայ Մարտիկ Օհան Տակառեանի ի Խազիւղ գեղջէ Տարօնոյ»:

Գերաշնորհ, հոգեշնորհ և արժանապատիվ հայրեր, մեծահարգ պրն. Տակառյան, հյուրեր և ներկաներ: Այսօր մենք հավաքվել ենք մեր աշխարհի բնության գեղատեսիլ այս անկումում գտնվող միջնադարյան ուխտավայրերից մեկում՝ Ս. Գեղարդա վանքում, բացումը կատարելու այս գեղեցիկ աղբյուր-հուշարձանի՝ նվիրական Տարոն աշխարհի փառապանծ անցյալի հիշատակին: Հայաշունչ այս աղբյուր-հուշարձանը կերտված հայկական արևավառ բազալտով, կառուցվել է փարիզաբնակ հարգամեծար պրն. Մարտիկ-Օհան Տակառյանի նյութական միջոցներով: Ճարտարապետական փոքրածավալ և անթերի այս կառույցի նախագծողն է հայրենական տաղանդաշատ ճարտարապետ պրն. Բաղդասար Արզումանյանը, որին թույլ տվեք շնորհակալություն հայտնել այն ամենի համար, որ նա կատարեց ողջ շինարարության ընթացքում: Մոռանալով իր աշխատանքային ամենօրյա ծանրաբեռնվածությունը, հարգելի ճարտարապետը առանց վանալու ժամանակ էր գտնում ի պահանջել հարկին այցելելու Ս. Գեղարդա վանք, մոտիկից հետևելու շինարարության ընթացքին: Ընտրակալություն նաև Մայր Աթոռի գլխավոր ճարտարապետ պրն. Արծրուն Գալիկյանին, որը բացառիկ ջանասիրությամբ և երիտասարդական եռանդով հոգում էր շինարարական բոլոր կարիքները: Կուլենայի շնորհակալություն հայտնել նաև կառուցող վարպետ Երվանդին, որը շատ հաճախ գիշերային դրախտային լուծության մեջ, միայնակ կանգնում էր կիսակառույց աղբյուրի առջև, մոլեռանդ հավատացյալի նման բարձրաձայն խոսում իր մուրճի հարվածներով շունչ ու կենդանություն առնող գեղեցիկ այս կառույցի հետ:

Աղբյուր-հուշարձանների կառուցումը Հայաստանում նոր երևույթ չէ: Ամենահին ժամանակներից մեր ժողովուրդը պաշտամունք է ունեցել ջրի նկատմամբ: Դրա պոքեղ ապացույցներից մեկն էլ Ս. Գեղարդա ժայռափոր տաճարներից մեկում առաջօր պահվող ջրի պաշտամունքի աղբյուրն է: Մեր ժողովուրդը անցյալում, ինչու չէ, նաև այսօր, պատմական հիշատակության արժանի դեպքի, կամ Հայրենիքի և մեր Ս. Եկեղեցու անկախության համար պոռնիվների հիշատակի հավերժացման համար կանգնեցրել է

աղբյուր-հուշարձաններ: Հայաստանում այսօր կան 500 աղբյուր-հուշարձաններ, ամեն մեկը ուրույն ճարտարապետական հորինվածքով ու բովանդակությամբ:

Հարգելի պրն. Տակառյան, Ձեր գիտակցական նյութական գոհողությամբ կառուցված հուշաղբյուրը, հավերժական այս սրբավայրի կողքին, Ձեր ամբողջ կյանքում անհուն մխիթարության աղբյուր պիտի հանդիսանա Ձեզ համար, միշտ հիշեցնելով, որ հայրենի հողի վրա կառուցելով քարակերտ հուշարձան, նվիրված տարոնական անցյալի հերոսներին, կորցրած հայրենի օջախին և նահատակված հայրենակիցների հիշատակին, դրանով ոչ միայն շահել եք տարոնցիների և մեր ժողովրդի համակրանքը, այլև առատապես արժանացել Տիրոջ գթառատ օրհնությանը:

Նորին Սրբություն Վեհափառ Հայրապետը, 25 տարի առաջ Հայրենակցական միություններից մեկին հղած Հայրապետական Իր պատգամում, խոսելով բարեգործության և մեր ժողովրդի անցյալի հերոսների ու պոետների հիշատակը ոգեկոչող կոթողի կառուցման մասին, շատ պատկերավոր ու գեղեցիկ բնորոշել է այն, սփյուռքահայ գրող Ջավեն Սուրմելյանի մեկ արտահայտությամբ՝ «Մենք չենք ուրախ լինում որպես խաչ ես այս ծառը տնկեցի»: Այդ հարգելի պրն. Տակառյան, Ձեզ համար այսօր մեծ ուրախություն և մխիթարություն է: Տարիների Ձեր երազը, տնկելիք Ձեր ծառը, դարձավ հուշաղբյուր Հայրենիքում, վապուրականցիների, Մուսա լեռան, սասունցիների և այլ հուշակոթողների կողքին: Թույլ տվեք հանդիսավորապես շնորհակալություն հայտնել Ձեզ Գեղարդա վանք ուխտի եկող բազմահազար՝ հավատացյալների, այցելուների, մեր և աշխատակիցների անունից, որ նախաձեռնողը եղաք հայրենասիրական այսպիսի մի կոթողի կառուցման: Թո՛ղ հավիտյան հոսի սառնորակ այն աղբյուրը, հիշեցնելու բոլորին Տարոն աշխարհըն ու նրա սքանչելի մարդկանց: Երանի նրանց, ովքեր իրենց լուծաբով հիշատակ են թողնում սրբություն դարձած մեր այս հողակտորի վրա՝ նպաստելով անցյալի, երազ դարձած հայրենական հիշատակների մարմնավորման, որոնք հայրենասիրական դաս պիտի հանդիսանան նոր սերունդների՝ մըշտապես նրանց հոգում ու գիտակցության մեջ արթուն պահելով երախտագիտության ու սիրո պգացումը մեր անցյալի, մեր սրբությունների և նվիրական անունների նկատմամբ: Բոլոր նրանք, ովքեր պատկերացնում են Մեծ Հայքի Տուրուբերան նահանգը, պիտի հաստատեն, որ գեղեցիկ այս լեռները ինչ-որ չափով հիշեցնում են Տարոն աշխար-

հը շրջապատող՝ Սասունի, Մանավերտի, Խնուսի և Գրգուռ լեռները, որոնք այսօր, ավա՛ղ, ոտքի կոխան են օտարին: Սուրբ Մեսրոպից մինչև Ավարայր ու մինչև մեր դարի սկիզբը՝ Մեծ եղեռն, հայ ժողովրդի բոլոր պավակների հետ միասին տարոնցիները նույնպես գրչով ու զենքով, հանուն հայրենյայց և հավատքի կռվել ու պայքարել են բոլոր տեսակի թշնամիների, բիրտ ու դաժան ուժերի դեմ: 387 թ. Հայաստանի անարդար բաժանումից հետո, Մամիկոնյաններն էին, որ Հայոց քաղաքական ու կրոնական իշխանությանը հավատարիմ մնացին՝ Հայոց Արշակունի թագավորների թուլացած և կործանաճան եպրին գտնվող գահը պահպանելու: Տարոնի Մամիկոնյաններն էին, որոնց շուրջ համախմբվեցին հայրենասեր բոլոր ուժերը, 451 թ. Ավարայր իջնելու, մեր սրբազան Հայրենին ու Եկեղեցին պաշտպանելու համար: Միայն անունների թվարկումը բավական է գլուխ խոնարհելու Տարոնի և տարոնցիների հիշատակի առջև. Սուրբ Մեսրոպ Մաշտոց, որի հանձարի շնորհիվ ազգայնացավ մեր Սուրբ Եկեղեցին ու մշակույթը, վերջնականապես ապահովվեց մեր ազգային գոյությունը այս արևի տակ, Տարոնի Մամիկոնյան պորավարները՝ Վասակ, Սամվել, Մուշեղ, Մանվել (Դ դար), Վարդան, Վահան, Կարմիր Վարդան (Ե դար), Դավիթ, Գրիգոր, Մուշեղ (Է—Ը դար):

Այս հուշարձան-աղբյուրի հիմքը դրվեց մեր ժողովրդի պանգլածային նահապետության 70-ամյա տարեկիցին՝ 1985 թվականին, որպես «Յաննուաց Յիշատակ Հայոց Տարոն աշխարհի փառապանծ անցելուն»: Այսօր գալիքին ենք հանձնում այս հուշակոթողը ի հիշատակ նաև բոլոր նրանց, ովքեր ազատաբաղձ ոգով անհավասար մարտերում ընկան թրջական յաթաղանից 1890—1915 թվականներին: Խունկ ու աղոթք նրանց արդար ու անմահ հիշատակին: Հպարտորեն կարող ենք ասել, որ Տարոնը պարտք չէ հայ ժողովրդին: Այդ չքնաղ աշխարհը մեր Սուրբ Եկեղեցուն, մշակույթին ու ազատագրական պայքարին տվեց շատ դեմքեր, որոնցով հպարտանում է մեր ժողովուրդը:

Մեր փոքրիկ Ամուն պատմական Եկեղեցիների, խաչքարերի և աղբյուր-հուշարձանների մի սուրբ աշխարհ է, որտեղ յուրաքանչյուր քարի վրա դրոշմվել են մեր ժողովրդի հոգու անկրկնելի գեղեցկությունները:

Այսօրվանից գալիքին ենք հանձնում գեղեցիկ այս հուշարձանը ևս, ի հավերժացումն տարոնական ոգու և ի վայելումն մեր ազգի և բոլոր այցելուների: Տասնյակ հա-



ԲԱՐԵՐԱՐ ՄԱՐՏԻԿ ՏԱԿԱՌՅԱՆԸ ԱՐՏԱՍԱՆՈՒՄ Է ԻՐ ՄՐՏԻ ԽՈՍՔԸ

վարավոր այն ուխտավորներն ու այցելուները, որոնք պիտի գան Ս. Գեղարդա վանք աղոթքի, պիտի խոնարհվեն սառնորակ աղբուրից ջուր խմելու և երախտապարտ սըրտով հիշելու Ձեզ, պրն. Տակառյան: Հիշելու նաև Տարոն աշխարհը իր Մշո գեղեցիկ ու բերքառատ դաշտով, հռչակավոր Ս. Կարապետի, Ս. Հովհաննեսի, Առաքելոց, Ս. Աղբերկա պատմական շքեղ վանքերով:

Ուխտավոր և ճամփորդ, մշտապես խոնարհվի՛ր, խմի՛ր և զովացրու պապակ հոգիդ, պահելու համար ազգային ոգու կենսունակությունդ և ստեղծագործ պորտությունը:

Թույլ տվեք, հանդիսավոր այս առիթով որդիական իմ շնորհակալությունս հայտնել Ազգիս Սրբապնագույն Հայրապետին՝ Նորին Սուրբ Օծություն Տ. Տ. Վապգեն Ա Վեհափառին, որի մտահղացման, հայրական օրհնության, նյութական և բարոյական օգնության շնորհիվ հնարավոր եղավ տեսնել այս գեղեցիկ աղբյուրը: Աղոթենք, որ տիեզերքի Արարիչը մեր Ազգի և մեր Ս. Եկեղեցու համար երկար և առողջ կյանք պարգևի ծերունավարդ, իմաստուն և ջինարար մեր Հայրապետին, որի կյանքի գերագույն նպատակն է մեր Ս. Եկեղեցու, ազգի ու Հայրենիքի բարգավաճումը»:

Ապա մեծ հուզումով իր սրտի խոսքն ասաց հարգելի բարերարը՝ պարոն Մարտիկ-Օհան Տակառյանը:

«Գերաշնորհ սրբապան հայրեր,

Այնիվ հայրենակիցներ և սիրելի Տարոնցիներ,

Հավաքված ենք այսօր Գեղարդա հնամիա վանքի հովանիին տակ, մեր ամենեն ոգեշնչող վայրերեն մեկուն մեջ, ուր հայուն կենդանի, հրաջածին հավատքը հաջողորն է ժայռերը փորել՝ անոնց ամրափակ, անխորտակ գոյությունը հանձնելու համար իր սըրբությունները:

Մենք ալ այսօր կուզենք պանծացնել հիշատակը Տարոնի Աշխարհին՝ մեր նախահայրերու նվիրական գավառին, որ դարերով պաշտեր էր Անահիտը, Վահագնը և Աստղիկը, հայ ազգին ամենեն թանկագին առաքինություններուն՝ զգաստության, քաջության և մաքուր սիրտ խորհրդանշանները: Բայց երբ Աստվածորդվույն իմանալի լույսը ջրղաց հայոց աշխարհի վրայ, Տարոն հաղորդվեցավ, պայծառացավ այդ լույսով և իր սըրտին վրա սեղմեց մասունքը Հովհաննու Կարապետին և անոր ի պատիվ կառուցեց Հայաստանի ամենեն փառավոր տաճարներն մին՝ Ս. Կարապետի վանքը, որ եղավ ուխտատեղի, դպրեվանք և պարմակեց բազմա-

թիվ վեհոգի Մամիկոնյաներու դամբարանները:

Անոր դեմ կանգնած է Առաքել-ց վանքը, ուր կհանգչին Մովսես Խորենացի, Ղազար Փարպեցի, Դավիթ Անհաղթ, թարգմանիչներ և մատենագիրներ, նաև Աշտիշատը, ուր ամփոփված են Սուրբ Սահակ Պարթևի և քաջն Վարդանի դատեր՝ Շուշանիկի աճյունները:

Հայ դպրությունը Տարոնի կպարտի իր ամենամեծ դեմքերեն, Մեսրոպ Մաշտոց, Սահակ Պարթև, Խորենացի, Եղիշե, Փարպեցի, Չենոբ Գլակ, Հովհան Մամիկոնյան և բազմաթիվ մատենագիրներ, գրիչներ, ծաղկողներ: Տարոնն է նաև, որ իր ազգին նվիրած է շքեղ հույլը հերոս Մամիկոնյաններու:

Տարոնցին միշտ եղած է անխարդախ հայ, ջերմ հայրենասեր, միշտ պատրաստ զոհելու ինքսինքն իր հայրենիքին, իր ազգին համար նկատված է, որ Հայաստանի մեծ գավառներեն միայն Տարոնն է, որ թագավորություն չէ դարձած, հակառակ որ ամենեն ավելի ուժն ուներ, և ինք տված էր հայոց ամենեն մեծ սպարապետը, որովհետև Տարոն տեղական փառքի հետամուտ չէր երբեք, այլ միշտ ուզած է միացնել ու զորացնել իր տառապած և բաժանյալ ազգը:

Հայոց գողգոթայի տարիներուն՝ 19-րդ դարու վերջավորությունն մինչև 1915-ի Եղեռնի թվականը, Տարոնը իր ծոցեն հանեց մեծ թիվով հերոս մարտիկներ, իրենց կյանքը հայրենիքին նվիրած կտրիճներ, ֆիդայիներ, որ կռվեցան արդիաբար, միշտ բարձր պահելու հայուն անունը և պատիվը: Միայն Սասունի լեռներուն մեջ յոթ ամիս դիմադրեցին՝ գրեթե առանց պաշարի և միայն թշնամիեն գրավված վեճերով: Եվ Տարոնի մարտիրոսությունը իր հերոսության չափ մեծ եղավ և միայն 60.000 հոգի կրցան փրկվի, որոնց մեծ մասը ապաստան գտավ Մայր Հայրենիք և իրենց բազուկը տրամադրեցին ներկա Հայաստանի հառաջդիմության, իսկ մնացյալները ցրվեցան ի սփյուռս աշխարհի և ապրեցան ու կապրին տակավին իրենց չքնաղ ծննդավայրին կարոտով և վշտով:

Եվ այսօր ի՞նչ մնաց Տարոն Տուրուբերանի հին փառքեն, ջեն քաղաքներեն և գյուղերեն, թերևս միայն իր լուսաղբյուրներեն մեկ քանին, մանավանդ այն, որ կշրվեժեր Ս. Կարապետի վանքին այնքան մոտ:

Այդ վերիուշն է, որ մեզ մոլեց Մայր Հայրենիքի հողին վրա աղբյուր-հուշարձանով մը հավերժացնելու ոգեղեն հիշատակը լուսագեղ և ջրառատ հայադրոջմ Տարոնին:

Եվ ահա այսօր, այս աղբյուր-հուշարձանի

կառուցումով տարոնցիներս շատ ուրախ եղանք և ուրախ պիտի ըլլա նաև ամբողջ հայ ժողովուրդը, քանզի Տարոն Աշխարհը միայն մշեցիի, տարոնցիի աշխարհը չէ, քանի որ անոր պատմությունը միաձուլված է հայոց ամբողջ պատմության հետ, այս հուշարձանը ամբողջ հայությանը պիտի պատկանի և ըստ այնմ դարե դար պիտի հիշվի:

Այս առթիվ որդիական ակնածանքով և երախտագիտությամբ մեր ջերմ շնորհակալությունը կհայտնենք Ամենայն Հայոց Վեհափառ Հայրապետին՝ Վազգեն Ա ՇԻՆԱՐԱՐ կաթողիկոսին, իր ընծայած բարոյական բարձր աջակցության համար, նաև շնորհակալություն ու գնահատանք բոլոր անոնց, որոնք կերտեցին այս տարոնաշունչ հիշատակարանը:

Այա խոսք առավ Մայր Աթոռի դիվանապետ գերշ. Տ. Ներսես եպս. Պոպապայանը.

«Ինձ համար հոգեկան ուրախության գեղեցիկ մի առիթ է այսօր, սիրելի տարոնցիներ, բերելու ձեզ Ամենայն Հայոց Վեհափառ Հայրապետին՝ Տ. Տ. Վազգեն Ա կաթողիկոսի օրհնությունը այս պահին: Դժբախտաբար Վեհափառ Հայրապետը չկարողացավ անձամբ ներկա լինել և օրհնել Տարոնի այս փառավոր աղբյուր-հուշարձանը: Բայց վրստահ եղեք, հոգով, սրտով, թե մտածումով, Հայոց Հայրապետը այս պահին մեզ հետ է, հոգեկան հրձվում և փառք է տալիս Աստծուն, որ երբեմնի հայաիծ ու փառավոր պատմություն ունեցող Տարոնը մոռացության չի տրվել, այլ թևատարած արծվի խորհրդավոր կերպարանքով եկել է բազմելու այստեղ՝ դարավոր Գեղարդա վանքի կողքին կառուցված հուշարձանի վրա: Այդ արծիվը 1915 թվականի մեծ Եղեռնի օրերին, իր վաժակների հետ աքսորվեց, բարձրացավ երկինք, չվեց դեպի հայրենի այս եզերքը պատ ճախրելու համար եթերի մեջ: Նրա վաժակների ճակատագիրը եղավ իր ճակատագիրը: Եվ այսօր այդ արծիվը թևածում է Հայաստանի լեռների և հատկապես արծվաբներով հարուստ այս լեռների վրա, իբրև խորհրդանիշ Տարոնի Արծվին, որ նրա եղբայրն էր ու նրա հարազատը: Եվ այդ արծիվը կենդանի պիտի մնա այս հուշաղբյուրից հոսող գուլալ ջրի նման:

Ահա այսպիսի պգացումով ամեն մեկ հայ պիտի գա խմելու այս աղբյուր-հուշարձանի ջրից՝ Աստուծո օրհնությունը ստանալու և

հայրենասիրությամբ լցվելու համար: Հայը աշխարհի որ մասում էլ ապրելիս լինի, նույն արմատից է, նույն ժողովրդի, նույն պատմության, նույն ավանդության և նույն մշակութի ժառանգորդն է: Եվ նա կաթող է ապրել ու գոյատևել՝ հավատարիմ և կապված մնալով միայն իր հայրենիքին, իր անցյալին, իր մշակութթին և պայծառ պահելով իր նահատակների հիշատակը:

Կեցցեն տարոնցիք: Եվ թող Աստված օրհնի ձեզ, որ չեք մոռացել ձեր անցյալը և Տարոնի արծիվը: Այդ պգացումը թող տակավին երկար հոսի ձեր երակների մեջ որպես կենսահորդ ավիշ, նույն պգացումով և նույն ոգով սնելու, մեծացնելու ու դաստիարակելու համար ձեր վաժակներին, որպեսզի նրանք ևս, իրենց հայրերի օրինակով, գան խմելու այս կենարար ջրից, հոգեպես վերանորոգվելու և գորանալու:

Թող Աստուծո օրհնությունը լինի ձեր, մեր և բոլորիս վրա այժմ և միշտ և հավիտյան հավիտենից, ամեն»:

Ներկաները մեծ ուշադրությամբ և սրտի հուլանով հետևում էին հանդիսավոր արարողությանը: Աղբյուր-հուշարձանի բացման հանդիսությունը իր լուսմին հասցրեց հոգևոր ձեռնարանի սաների երգած «Զարթիր, լսո» հայրենասիրական երգը, որը ծնունդ է առել դեռ անցյալ դարի վերջերին, հայ ժողովրդի ապատագրական պայքարի օրերին՝ ընդդեմ սուլթանական բռնությունների: Հերոսական երգը դարձավ հուլական գերագույն պահ:

Արարողությունն ավարտվեց: Խնկի բուլբուլ ու եկեղեցական երգեցողությունը տիրապես ծավալվել էին պաղ օդի մեջ: Մարդիկ մոտեցան, խոնարհվեցին և շրթունքները հպեցին աղբյուրին: Օրվա խորհուրդը եպրափակվեց Ս. Գեղարդա վանքի միաբանական սեղանատանը՝ վանահոր տված պաշտոնական ճաշով, որի ընթացքում առաջարկվեցին Ամենայն Հայոց Հայրապետի, Հայ Ազգի, վերածնված Մայր Հայրենիքի կենացները:

Նորին Սուրբ Օծությունը բարձր գնահատելով պարոն Տակառյանի պոետությունը, ընդունեց առատաձեռն բարերարին, տվեց իր օրհնությունը և հանդիսավոր պայմաններում վարդաբեց նրա կուրծքը Ս. Գրիգոր Լուսավորչի ջրանշանով:

ՊԵՏՐՈՍ ԲՀՆ. ՄԱԼՅԱՆ
Ս. Գեղարդա վանք